



**ZAPISNIK O RADU 58. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 24.06.2024. GODINE*

Broj: 01-GV-02-843/24  
Sarajevo, 24.06.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Alen Girt, zamjenik predsjedavajućeg Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedad Deljković, predsjedavajući Kluba gradskih vijećnika „Deljković-Simonović“
8. Samir Bejić, predsjedavajući Kluba gradskih vijećnika „Danijela Šahat-Samir Bejić“
9. Bajro Biber, predsjedavajući Kluba gradskih vijećnika „USD-BOSS“
10. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
11. Enisa Spahić, predsjedavajuća Kluba gradskih vijećnica „Enisa Spahić -Amra Zulfikarpašić“

Odsutni: Mila Eminović, sekretar Gradskog vijeća (opravdan izostanak), Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“ i Jasmin Skorupan, predsjedavajući Kluba gradskih vijećnika „Korora/Skorupan“.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 14.00 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa devet glasova „za“ i jednim „suzdržanim“ glasom prisutnih članova Kolegija, **je usvojio** Zapisnik o radu 57. sjednice Kolegija Gradskog vijeća, održane 28.05.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 58. sjednice Kolegija Gradskog vijeća, tako da glasi:

1. Priprema za održavanje 42. sjednice Gradskog vijeća Grada Sarajeva
2. Tekuća pitanja

**Jasmin Ademović, predsjedavajući Gradskog vijeća** je konstatovao da je **član Kolegija Samir Bejić** pristupio sjednici Kolegija u 14.07 sati te da sjednici prisustvuje 11 članova Kolegija.



## Ad 1)

### Priprema za održavanje 42. sjednice Gradskog vijeća Grada Sarajeva

#### a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 42. sjednica Gradskog vijeća će se održati u **srijedu 24.07.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem, najkasnije, u **srijedu 03.07.2024. godine**;
- Sjednice radnih tijela, u pripremi 42. sjednice Gradskog vijeća, održat će se u sedmici koja počinje sa **ponedjeljkom 08.07.2024. godine**;
- Pozivi gradskim vijećnicima za 42. sjednicu Gradskog vijeća će se uputiti u **srijedu 17.07.2024. godine**.

#### b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o realizaciji vijećničkih pitanja i inicijativa za tekuću godinu, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 42. sjednice Gradskog vijeća.

Informacija o implementaciji plana djelovanja za mlade, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 42. sjednice Gradskog vijeća.

Nacrt Izmjena i dopuna Plana djelovanja za mlade, prema informaciji i obrazloženju Gradonačelnice, **nije spreman** i neće biti uvršten u prijedlog dnevnog reda 42. sjednice Gradskog vijeća.

Izveštaj o korištenju sredstava tekuće rezerve, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 42. sjednice Gradskog vijeća.

Informacija o aktivnostima radne grupe za Projekat „Čista rijeka Miljacka“, prema informaciji Gradonačelnice, **nije spremna** i neće biti uvrštena u prijedlog dnevnog reda 42. sjednice Gradskog vijeća.

U raspravi koja je uslijedila vezano za Informaciju o aktivnostima radne grupe za Projekat „Čista rijeka Miljacka“ učestvovala je **Mirela Džehverović, zamjenica Predsjedavajućeg Gradskog vijeća**, a odgovor na postavljeno pitanje dala je **Aida Bajramović, sekretarka organa uprave** koja se obavezala da će dostaviti odgovor i na e-mail **Mirele Džehverović, zamjenice Predsjedavajućeg Gradskog vijeća**. Dodatna pojašnjenja vezano za Projekat „Čista rijeka Miljacka“ dao je i **Jasmin Ademović, predsjedavajući Gradskog vijeća**.

Član Kolegija Samir Bejić je napustio sjednicu Kolegija u 14.15 sati.

#### c) Teme planirane Programom rada Gradskog vijeća Grada Sarajeva za period januar – juni 2024. godinu, koje nisu realizovane

Nacrt Odluke o komunalnom redu u Gradu Sarajevu koji je bio planiran za razmatranje u maju mjesecu, a Prijedlog Odluke u julu mjesecu, prema informaciji i obrazloženju Gradonačelnice, **nije spreman** i neće biti uvršten u prijedlog dnevnog reda 42. sjednice Gradskog vijeća.

**Aida Bajramović, sekretarka organa uprave** je upoznala članove Kolegija da će uputiti obavijest nadležnim službama kako bi se navedeni nacrt odluke pokušao pripremiti za 42. sjednicu Gradskog vijeća.

Nacrt Odluke o stipendiranju izvrsnosti kod učenika srednjih škola iz Budžeta Grada Sarajeva, prema informaciji Gradonačelnice, **nije spreman**, i neće biti uvršten u prijedlog dnevnog reda 42. sjednice Gradskog vijeća.

Izveštaj o provođenju Odluke o uslovima i postupku prihvatanja pokroviteljstva Grada Sarajeva u 2023. godini, prema informaciji Gradonačelnice, **nije spreman** i neće biti uvršten u prijedlog dnevnog reda 42. sjednice Gradskog vijeća.

**Jasmin Ademović, predsjedavajući Gradskog vijeća** je pojasnio da je Gradsko vijeće na 40. sjednici održanoj 29.05.2024. godine usvojilo Izveštaj o provođenju Odluke o uslovima i postupku prihvatanja pokroviteljstva Grada Sarajeva u 2023. godini samo iz nadležnosti jedne službe i to Gradske službe za obrazovanje, kulturu, sport i mlade te da je potrebno pripremiti Izveštaj koji će se odnositi na Grad Sarajevo.

**Aida Bajramović, sekretarka organa uprave** je upoznala članove Kolegija da će se navedeni izvještaj pokušati pripremiti za 42. sjednicu Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 42. sjednice Gradskog vijeća.

Nacrt Odluke o podizanju spomen-obilježja civilnim žrtvama rata Grada - Kantona Sarajevo, prema informaciji i obrazloženju Gradonačelnice, **je spreman** i ukoliko Komisija za spomenike Gradskog vijeća, kao ovlaštenu predlagač, utvrdi Nacrt Odluke isti će biti uvršten u prijedlog dnevnog reda 42. sjednice Gradskog vijeća.

*d) Novi prijedlozi:*

**Aida Bajramović, sekretarka organa uprave** je upoznala članove Kolegija da će Gradonačelnica za 42. sjednicu Gradskog vijeća predložiti sljedeće materijale:

- Prijedlog Odluke o proglašenju i sufinansiranju manifestacije od posebnog interesa za Grad Sarajevo u 2024. godini – „Think Pink“
- Prijedlog Odluke o proglašenju i sufinansiranju manifestacije od posebnog interesa za Grad Sarajevo u 2024. godini – „Zone unaprijeđenog poslovanja Baščarsija“

**Aida Bajramović, sekretarka organa uprave** je upoznala članove Kolegija da, ukoliko se ispune potrebni uslovi, Gradonačelnica će, za 42. sjednicu Gradskog vijeća, uputi u proceduru i Prijedlog Odluke o izmjenama i dopunama Odluke o davanju saglasnosti Gradonačelnici Grada Sarajeva za potpisivanje sporazuma o donaciji biste Valter.

**Jasmin Ademović, predsjedavajući Gradskog vijeća** je upoznao članove Kolegija da ukoliko Komisija za izbor i imenovanja, kao ovlaštenu predlagač, na osnovu prijedloga dostavljenih od strane klubova gradskih vijećnika, utvrdi prijedloge odluka o razrješenju i izboru u radna tijela, isti će biti upućeni na 42. sjednicu Gradskog vijeća.

## Ad 2)

### Tekuća pitanja

**Član Kolegija Toni Vukadin** je predložio da Kolegij Gradskog vijeća donese sljedeći zaključak:

Kolegij Gradskog vijeća predlaže Gradonačelnici Grada Sarajeva da, u skladu sa važećim propisima, iz Budžeta Grada Sarajeva za 2024. godinu obezbijedi sredstva za finansijsku podršku vrtiću „More Nade“, koji pohađaju djeca sa poteškoćama u razvoju, te finansijsku podršku za FK „Sarajevo“, FK „Željezničar“ i SFK 2000.

U raspravi koja je uslijedila učestvovala je **Aida Bajramović, sekretarka organa uprave** koja je, u diskusiji, navela da cijeneći značaj koji ovi klubovi imaju za Grad Sarajevo i šire te potrebu da shodno svojim mogućnostima pruži potporu njihovom radu i funkcionisanju Gradonačelnica Grada Sarajeva će razmotriti iznesene prijedloge te iste realizovati putem Gradske službe finansija, a sve u skladu sa Zakonom o budžetima FBiH i drugim propisima koji regulišu oblast budžetiranja odnosno finansiranja. Identično će se postupiti i u pogledu prijedloga za vrtić „More Nade“.

U raspravi je učestvovao i **član Kolegija Alen Girt**.

Na poziv **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio predloženi zaključak člana Kolegija Toni Vukadina.**

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.20 sati.

*SEKRETAR GRADSKOG VIJEĆA*

*Mila Eminović*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*